

# Universitätsbibliothek Wuppertal

## Ivstiniani Avgvsti Historia

Procopius <Caesariensis>

Lugduni, 1594

Res animadversione digna ex Ioanne Baptista Egnatio

---

**Nutzungsrichtlinien** Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-147](https://nbn-resolving.org/urn:nbn:de:hbz:468-1-147)

REM ANIMADVER-

SIONE DIGNAM HVC TI-  
bi lector ex Ioanne Baptista Egna-  
tio apposuimus ad lucem hi-  
storiarum maiorem.



ON potui non vehemēter mirari tan-  
tam vel temporum iniuriam, vel scri-  
ptorum inertiam, tum veterum, tum  
recentium fuisse, ut quum Romam or-  
bis reginam captam ab Alarico Go-  
thorum rege, anno post eam conditam  
millesimo centesimo sexagesimo quar-  
to, certatim omnes memoria prodant, seriem tamen rei,  
aut indagandam non censuerint, aut indagatam tanquam  
rem planē ignobilem, nec scitu dignam obliuione inuolue-  
rint. Prò deum hominumque fidem, urbs orbis totius  
regina, quæque eo auspicio condita credatur, ut caput  
orbis semper esset, & quæ toties de barbaris gentibus, or-  
bique triumpharat, capitur Gothico astu, & interim rei  
series ordōque nescitur? Ego verò id minimè patiar, &  
omnis antiquitatis illustrandæ studiosus, hanc quoque  
rem tam memorabilem non negligam. Astu autem bar-  
barico capta traditur in hunc sermè modum, quem Proco-  
pius solum ex omnibus quos legi, tradat, ut mirer, ab in-  
terprete vel rem totam dissimulatam, vel quum in mutu-  
lum Græcum codicem incidisset, non animaduersam. Ille  
igitur in hanc sententiam: Obsederat Romam Alari-  
cus iam biennium, nec Honorius, qui Rauennæ  
desidebat, aut ferre suppetias poterat, aut audebat.

Nam

Nam quum nil miuus , quàm de vrbis salute sollicitus esset , Stilicone interfecto , ducem exercitui minimè præfecerat , qui rem aduersus Gotthos administraret . Vnde Gothis obsidendæ vrbis cogitatio , Romano milite aut dilapso , aut segnitè rem agente . Verùm eam frustra obsessam , quum expugnare vi non possent , ad dolum hostis barbarus vertitur . Profectionem in patriam simulat , trecentosque iuuenes corporis & animi vi præstantes deligit , quos Romanis principibus dono det , instructos prius , vt omni obsequio dominos suos promereri studeant , & ad certam diè circa meridiem , quum Romani principes somno , vel ocio vacarent , ad Afinariam portam aduolent , interfectisque improviso insultu custodibus , portam sibi præstò futuro aperiant . Interea Gothi quum reditum , alia atque alia deesse sibi simulantes , differrent , trecenti illi iuuenes occasione egregie vsi , portam statò die suis aperiant , & intromissus Gotthus maiore ignominia , quàm damno urbem omnem populatur . Sunt qui Probæ illustris fæminæ & opulentissimæ opèra patefactam Gotthis portam existiment , quum plebem Romanam passim famè & morbis pecudum more cadentem miseraretur . Duo sunt cognitu non indigna : vnum , edictum ab Alarico fuisse , vt quicumque in templa diuorum confugerent , præcipuè Petri & Pauli , his nulla vis inferretur , quòd & summa fide seruarù : alterum , quòd quum nunciatum Honorio esset Rauennæ , Romam perditam , credidit ille de pugnaci Gallo , cui nomen erat Romæ , significatum esse , admiratùmque vehementer tam subito periisse eum , qui cum paulo antè festiuissimè luserat . Adeo socordis ingenij princeps , nec quicquam omnino paternæ , auitæque virtutis referens , quod & Arca-

dio fratri vitio datum est. Nam Eudoxia vxor  
addictus, quum alia improbe fecit, tum  
Chrystomum antistitem sanctitatis  
& eruditionis egregia, vxori plus  
æquo inferuiens, in ex-  
lium egit.

\*.\*

